



SAKSPAPIR

Saksnr	Utval	Type	Dato
71/2021	Kommunestyret	PS	15.06.2021
80/2021	Kommunestyret	PS	07.09.2021

Sakshandsamar	Arkiv	ArkivsakID
Lin Tove Thomassen	FE-033	21/443

INTERPELLASJON TIL KOMMUNESTYRET- INNKJØPSSTRATEGI

Kommunestyret - Sak 71/2021

KOM - Behandling:

I reglementet for kommunestyret er det sett av 1 time til interpellasjonar. Denne tida vart overskriden, og interpellasjonen vart i møtet fremje på nytt til neste møte.

KOM - Tilråding/Vedtak:

Kommunestyret - Sak 80/2021

KOM - Behandling:

Interpellanten fekk ordet først og fremja interpellasjonen.

Ordførar gav slikt svar:

Vaksdal Kommune har avtale med Bergen kommune som regulerer mange av dei store områda me gjer innkjøp på i dag, dette er f.eks. kontorrekvisita, medisinsk utstyr, møblar og skulebøker, for å nemne nokon. Denne avtalen fungerer på ein god måte og Bergen Kommune sørger for at gjeldande regelverk blir oppfylt og etterlevd på ein god måte. Bergen kommune har i sine konkurransar strenge kriterier for dei leverandørane dei inngår avtale med.

Vaksdal Kommune gjer også eigne anbodskonkurransar, både åleine på mindre konkurransar og i samarbeid med konsulentar/advokatar på f.eks. store anskaffelser/byggeprosjekt. Dei omtalte punkta blir då dekkja i desse konkurransane.

Kommunedirektøren ynskjer å utarbeide innkjøpsstrategi som tar med dei opplista punkta og andre

område som er relevant i ein slik strategi. I vår innkjøpsstrategi bør me sjå på forholdet med Bergen kommune og korleis dette bør komme fram i strategien vår. Så langt det lar seg gjera bør strategiane til Bergen og Vaksdal ikkje gå på tvers av kvarandre.

Ordførar vil fylgje arbeidet, og har fått tilbakemelding på at administrasjonen kan ferdigstille innkjøpsstrategi innan 1. kvartal 2022 slik interpellanten ber om.

Interpellanten fekk ordet først, før det vart opna for debatt.

Røysting

Interpellanten sitt forslag til vedtak punkt 1 vart samrøystes vedteken.

Interpellanten sitt forslag til vedtak punkt 2 vart samrøystes vedteken.

Interpellanten sitt forslag til vedtak punkt 3 vart samrøystes vedteken.

KOM - Tilråding/Vedtak:

1. Kommunestyret ber kommunedirektøren utarbeide ein innkjøpsstrategi for Vaksdal kommune før utgangen av fyrste kvartal 2022, som viser tydelege mål og tiltak knytt til innkjøp.
2. I innkjøpsstrategien skal følgjande punkt vektleggast:
 - Bærekraft og miljø
 - Bruk av lærlinger og praktikanter
 - Tariffavtaler
 - Oppfølging av avtalar
3. I prosessen må berørte parter vere involvert.

Saksopplysningar:

Frå Amalie Johnsen Lunde, H ligg det føre slik interpellasjon:

Innkjøpsstrategi for framtida!

Vaksdal kommune kjøpte i 2020 varer og tenester til drift for over 114 millioner kroner. Inkluderer ein kjøp av varer og tenester knytt til investeringar er summen det dobbelte. Desse innkjøpa gjer kommunen til ein stor aktør med betydeleg påverknad på marknaden.

Ein innkjøpsstrategi er ein langsiktig plan for å sikre at kommunen har kostnadseffektive kjøp av varer og tenester frå konkurransedyktige leverandører, til avtalt kvalitet, tid og vilkår. Det er difor ein strategisk viktig plan, som sikrar ein meir heilskapleg tilnærming for dei innkjøpa som kommunen gjer.

Kommunen må bruke sin påvirkning som ein stor kunde til å påverka leverandørane.

Ein av strategiane i kommuneplanen sin samfunnsdel er at kommunen skal arbeide for grønne produktval og etterspørre klimavenlege løysingar. For at ein skal kunne oppnå dette, må målet vere ein del av innkjøpsstrategien til kommunen.

I byggeprosjekter som er vedteke har ein og lagt inn punkter om tarifflønn og bruk av lærlingar. Det er naturleg at dette blir teke omsyn til i innkjøpsstrategien. Kommunen må vera ein pådrivar for ordentlege arbeidsforhold og utvikling av kompetanse. Det betyr at kommunen må sikre det i egne tenester.

Eit viktig mål for ein innkjøpsstrategi vil vere kostnader og tid, og desse omsyna må ein vurderer opp mot andre omsyn ein skal ta i offentlige innkjøp.

Spørsmål til ordførar:

Vil ordførar sørge for at det blir utarbeida ein ny og oppdatert innkjøpsstrategi for Vaksdal kommune?

Forslag til vedtak:

1. Kommunestyret ber kommunedirektøren utarbeide ein innkjøpsstrategi for Vaksdal kommune før utgangen av fyrste kvartal 2022, som viser tydelege mål og tiltak knytt til innkjøp.
2. I innkjøpsstrategien skal følgjande punkt vektleggast:
 - Bærekraft og miljø
 - Bruk av lærlinger og praktikanter
 - Tariffavtaler
 - Oppfølging av avtalar
3. I prosessen må berørte parter vere involvert.